

L' Idea Vera

Quandu in core si sente u dolore
Appiate forze, curagiu è furore
Pè un idea di grande valore
U vostru sangue serà lu vostru onore

Rinascerà lu veru sensu d'una lotta
Risplenderà l'idea vera chì vi porta
Da fà tremà quelli ch'a vulianu morta
E suminà l'ultimu granu senza rivolta

In core a voi fate nasce a rasgione
Un altra vita ùn lasciate impone
A tempu vostru, fate a rivoluzione
D'esse maestri di a vostra passione

Chì di pensa, parlà è ascoltà
Sò primi passi versi un indentità
Nantu a ssu caminu solu in hè verità
Chè ssu pudere chì vole assuffucà.